

# Soal Shukra: Ghafar Baba akan siasat

Berita Harian, 18 April 1968, Page 2

 Article also available on Microfilm Reel NL5410

# Soal Shukra: Ghafar Baba akan siasat

**KUALA LUMPUR, Rabu**

PENGERUSI MARA, Senator Ghafar Baba akan menyiasat sendiri kejadian2 di-Institut Teknologi MARA di-Petaling Jaya yang mengakibatkan dua orang penuntut baru jatoh sakit.

Demikian beliau memberitahu Berita Harian sa-telah menemui Datuk Kampo Radjo, ayah kepada Che Shukra, salah sa-orang pelajar yang sakit itu.

**Datuk Kampo Radjo** menemui beliau sa-lama kira2 15 minit pagi tadi.

**Datuk Kampo** berkata. ia menemui Enche Ghafar bukan-lah untok mengadu atau membela anaknya yang jatoh sakit akibat ragging di-Institut itu.

"Saya menemui Enche Ghafar ada-lah untuk menyampaikan perhatian sa-bagai sa-orang bapa penuntut Institut itu.

"Saya meminta beliau bertindak terhadap kejadian2 yang berlaku di-Institut itu. Tetapi tindakan itu bukanlah dengan membuang penuntut2 yang berkenaan.

## Nasihat

"Tindakan Enche Ghafar yang saya harapkan ia-lah supaya beliau memberi nasehat kepada penuntut2 itu supaya jangan sampai memalukan Institut itu, keluarga mereka dan masyarakat umum-nya.

"Kita tidak patut membuang penuntut2 itu walaupun mereka melakukan ragging. Kita tidak dapat meletakkan kesalahannya kapada mereka kerana tanggong-jawab mendidik mereka ada-lah pada kita ibubapa dan guru2 mereka." kata Datuk Kampo lagi.

Enche Ghafar pula berkata: "Saya belum menerima laporan tentang kejadian di-Institut itu hingga sekarang.

"Bagaimana pun saya akan membuat penyiasatan sendiri di-Institut itu. Saya akan menasehatkan penun-

Mengenai Che Shukra, Enche Ghafar berkata: "Penyiasatan itu hanya akan adil bila Che Shukra sendiri telah boleh memberikan keterangan kelak."

Enche Ghafar menambah, "Apa yang di-takutkan ialah gadis itu di-ganggui oleh budak lelaki di-Institut itu.

"Jika ini berlaku dan itu pula yang menyebabkan ia jatoh sakit, maka saya akan memikirkan tindakan yang sa-wajar-nya."

Sementara itu Penolong Pengetua Institut Teknologi MARA, Enche Hijjas Kasturi telah melawat Che Shukra di-rumahsakit Assunta tengahari tadi.

Beliau berkata: "Kami maseh menunggu laporan doktor untuk mempastikan penyakit badis itu."

Mengenai sa-orang penuntut2 lelaki yang di-masukkan ke-rumahsakit itu pagi semalam, beliau berkata: "Penuntut2 itu gemam bukan kerana ragging, tetapi sechara kebetulan barang kali ketika ia mengikuti Minggu Orientasi."

Keadaan Che Shukra dikatakan bertambah puleh lagi hari ini.